

CYFARFOD CYFFREDINOL BLYNYDDOL

1af HYDREF 2006



CYSWLLT CELF



ADRODDIAD



YR UNDEB
EWROPEAIDD
Cronfa
Gymdeithasol
Ewrop
AMCAN 3



EUROPEAN
UNION
European
Social
Fund
OBJECTIVE 3



Llywodraeth Cymru
Welsh Assembly Government



CEFNOGI CREADIGRWYDD
CYNGOR CELFYDDYDAU CYMRU
THE ARTS COUNCIL OF WALES
SUPPORTING CREATIVITY

CYFARFOD CYFFREDINOL BLYNYDDOL

Lluniau	
Chwith Top:	Dathlu Creadigrwydd Plant 2006 Gweithdai drymio yng Ngŵyl y Gweithdy 2006
De:	Tân Tanat 2006
Canol:	Symposiwm Cerfluniau Llyn Efyrrwy 2005 Tony Skeggs yn recordio Vendetta 2006 Dathlu Creadigrwydd Plant 2006 Prosiect Hwiangerddi Cymraeg 2006 Dathlu Creadigrwydd Plant 2006
Gwaelod:	Strafagansa Celf 2006 Perfformiad Sycas-Circus 2006

CYSWLLT CELF

Cynnwys

Adroddiad y Cadeirydd	1
Adroddiad y Cyfarwyddwr	2
Dathlu Creadigrwydd Plant	3
Prosiect Cerdd Ieuenctid Powys	5
Strafagansa Celf	6
Prosiectau dan Reolaeth	7
Prosiectau Bychan	9
Digwyddiadau Cymraeg	10
Aelodau a Manylion Swyddfa	11
Pobl	13
Arianwyr a Phartneriaid	15
Manylion Cyswllt	16

Adroddiad y Cadeirydd

Yn ystod y flwyddyn hon, ehangu a datblygu sydd wedi bod yn brif feysydd gwaith Cyswllt Celf. Rydym wedi gweld ffrwyth ein gwaith o safbwynt atgyfnerthu ein strwythur, polisïau a gweithdrefnau a'n gwaith ar gynladwyedd.

Mae Siân Walters wedi ymuno â fel Swyddog Prosiect, ac mae hi eisoes wedi gwneud cyfraniad sylweddol at waith y tim, sydd eisoes yn cynnwys Karen a Nerys. Trwy eu gwaith hwy a gyda chefnogaeth y Bwrdd, mae Cyswllt Celf wedi meithrin enw da am gywirdeb ac ansawdd. O ganlyniad, rydym yn awr yn ystyried ehangu ein seiliau cyllido er mwyn cynnal gwaith sydd eisoes ar y gweill ac i greu cyfleoedd ar gyfer y dyfodol. Rydym yn ystyried y posibilrwydd o gofrestru fel elusen gyda chymorth yr ymgynghorydd Phyllida Shaw, a hynny gyda chefnogaeth Cyngor y Celfyddydau.

Bydd y flwyddyn nesaf yn groesffordd i'r mudiad mewn perthynas â phenderfyniadau cyffrous i'w gwneud ynghylch dyfodol Cyswllt Celf.

Diolch i chi oll, fel arfer, am gefnogaeth a chymorth y Bwrdd a'r aelodau, ac i'n partneriaid a'n haelodau cyswllt. O safbwynt cynladwyedd, diolchiadau arbennig i Gyngor y Celfyddydau a Phyllida Shaw am y gefnogaeth arian-nol a'r arweiniad.

Gobeithio mai'r flwyddyn nesaf fydd yr orau erioed.

CYSWLLT CELF

Adroddiad y Cyfarwyddwr Celfyddydau

Yn ogystal â blwyddyn lwyddiannus arall gyda'n rhaglen o brosiectau craidd, o ganlyniad i gefnogaeth ariannol ychwanegol gan Swyddfa Cyllid Ewropeaidd Cymru, trwy Gyngor Celfyddydau Cymru, rydym wedi gallu trefnu mwy o brosiectau ar raddfa fawr a graddfa fach. Mae ein gwaith ar y cyd gyda Syrcas - Circus yn ystod y Gwanwyn ac yn fwy diweddar ein gwaith gydag 8 o ysgolion lleol i gynhyrchu CD o ganeuon Cymraeg ar gyfer plant ifanc yn enghreifftiau nodedig o brosiectau ychwanegol eleni. Rydym wedi gweithio mewn partneriaeth gyda mudiadau newydd yn ogystal â rhai'r gorffennol, ac wedi gwneud mwy o weithgareddau prosiect wedi'u rheoli. Mae artistiaid newydd wedi ymuno ag ac wedi gweithio i Gyswllt Celf, ac rydym wedi ariannu hyfforddiant ar gyfer unigolion a grwpiau o artistiaid.

Yn fy marn i, un o'r pethau gorau am weithio yn swyddfa Cyswllt Celf yw gweld y rhyngweithio rhwng y grwpiau unigryw. Mae llwyddiant yr holl bethau a nodir uchod yn dibynnu ar y rhyngweithio hynny, felly hoffwn ddiolch i:

- ein hartistiaid sy'n parhau i gynhyrchu gwaith gwych a newydd, yn ogystal â chynnig safbwynt ffres ar ddatblygiadau newydd
- aelodau ein Bwrdd am yr ystod o sgiliau a phrofiad a gynigir inni, eu hamser a'u diddordeb parhaus er budd y cwmni
- Nerys a Siân, fy nghydweithwyr, sy'n cynnig amrediad eang o sgiliau mewn meysydd hanfodol, a hyder a mewnbwn ein partneriaid, ein hari-anwyr a'n cyfeillion.

Bu peth ailwampio ar ein swyddfa eleni, oedd yn cynnwys cyfrifiaduron newydd, ac erbyn hyn mae'r hen stordy yn ystafell gyda chyfrifiadur Apple Mac, meddalwedd Final Cut Pro a camera fideo Canon XM2 lle gellir golygu ffilmiau. Hoffwn ddiolch i Ruth Carter a Tony Wainwright am yr amser sylweddol a dreuliwyd ar ymchwilio i'r offer ar gyfer yr ystafell olygu a'r amser a dreuliwyd yn gwneud gwaith gosod a pharatoi gyda Siân. Eisoes, mae'r adnodd newydd hwn wedi golygu ein bod yn gallu datblygu prosiectau newydd, gwella ein dulliau marchnata a chynnig hyfforddiant a defnydd o offer i'n hartistiaid.

Karen Ramsay

Dathlu Creadigrwydd Plant

Hyd yn hyn eleni, mae'r prosiect wedi gwasanaethu 20 o ysgolion yng Ngogledd Powys, gan gynnig dros 2,400 o lefydd i gyfranogwyr. Defnyddiwyd cyfryngau amrywiol fel arfer i gynhyrchu'r gwaith, a chynhyrchwyd ystod eang o weithiau celf a chrefftau. Ymysg y prosiectau roedd: Band Pres Jaipur Kawa, gwaith metel, adeiladu tai 3-D, gwaith animeiddio, paentio tir-luniau, gwneud eitemau o helyg, gwaith mosaig, gwaith batik a llawer mwy. Roedd gofyn mawr am y prosiect, ac fe'i dderbyniwyd yn dda yn yr ysgolion. Dangosir isod rhai o'r sylwadau a dderbyniwyd gan ysgolion ac artistiaid:

*"Hir oes i Gyswllt Celf,
oherwydd mae'r profiadau
hyn yn hynod werthfawr i
blant sy'n byw mewn ar-
dal mor wledig"*

Ysgol Efyrynwy

*"Mae'r disgyblion ar eu
hennill o weithio gydag
artist proffesiynol, felly
daliwch ati efo'r gwaith
da"*

Ysgol Llanfihangel

*"Dysgodd y plant tech-
negau artistig newydd -
cyflwynwyd agwedd
ymchwil mewn hanes a
defnyddiwyd mathemateg
yn ein cymwysadau.
Roedd y canlyniadau'n
lliwgar iawn, ac mae'r ys-
gol yn hapus iawn"*

Sally Duckers




*Artistiad — Stan Jankowski
Ysgol Llanrhaeadr*

*"Mae'r plant wedi mwyn-
hau'r prosiect yn fawr"*

Ysgol Berriew

*"Cynhyrchwyd gwaith
gwyb, a chafodd y disgy-
blion lawer o hwyl"*

Ysgol Meifod



*Artistiad — Hilary Roberts
Ysgol Meifod*

*"Roedd lefel y gefnogaeth
a'r gwirfoddolwyr yn
wych"*

Laura Hughes

*"Cymorth a chefnogaeth
wych. Roedd yn brosiect
uchelgeisiol...ond rhod-
dodd yr ysgol cymorth ac
amser ychwanegol i'm
helpu ac roedd hyn yn
golygu fod y prosiect yn
llwyddiant ysgubol."*

Hilary Roberts

CYSWLLT CELF



*Artistiad —Ingrid Maugham
Ysgol Ardwyn*

Hefyd eleni, mae'r prosiect wedi creu CD gydag 38 o Hwiangerddi Cymraeg o'r enw 'Jac y Do' – disgyblion o 8 ysgol wahanol yn yr ardal oedd yn canu'r hwiangerddi, a'r rheolwr oedd Arfon Gwilym.



Dyffryn Banw



Llanfihangel



Llanfair Caereinion



Llanerfyl



Llanfyllin



Llanrhaeadr



Pennant & Llanwddyn



Pontrobert

Grŵp o sipsiwn Rajasthani o Jaipur yng Ngogledd India yw Band Press Jaipur Kawa. Mae'r band yn cynnwys 8 o gerddorion, fakir a'r ddawnsraig Sapera Kalbelya. Hameed Khan Kawa yw sylfaenydd y grŵp, a rhoddwyd perfformiad i blant Ysgol Gynradd Llanfyllin – gwirionwyd y plant gan y perfformiad.



Prosiect Cerdd Ieuentid Powys



Tony Skeggs Yn recordio gyda Vendetta

Mae Prosiect Cerdd Ieuentid Powys yn galluogi pobl ifanc, na fyddent fel arall yn cael mynediad i offer a gwersi proffesiynol, greu a pherfformio cerddoriaeth. Bydd llawer sy'n ddechreuwr ar y prosiect hwn, yn mynd ymlaen i sefydlu bandiau neu ddatblygu sgiliau offerynnol neu leisiol. Rydym hefyd yn cynnig dosbarthiadau meistr a chyfleoedd recordio i fandiau sydd eisoes yn bodoli. Eleni, mae bandiau sydd wedi cymryd rhan yn y prosiect hwn, wedi perfformio yng Ngŵyl y Gweithdy a'r Wyl Roc a Phop Cenedlaethol i Bobl Ifanc yn yr NEC, Birmingham.

Cynhaliwyd gweithdai yn y Drenewydd, Llanfyllin, Machynlleth, Llanidloes, Y Trallwng a Llanfair Caereinion – hwyluswyr y sesiynau hyn oedd Tommy Mills, Laurance Sharp, Tony Skeggs, Tony McCallum a Jock Tildesley.

Trefnwyd diwrnod terfynol o weithdai a pherfformiadau oedd yn cynnwys cyfranogwyr o bob un o'r canolfannau a nodwyd uchod yn Theatr Llwyn, Llanfyllin.

*Gŵp Jazz Pobl Ifanc
Yn perfformio yng
Ngŵyl y Gweithdy*



CYSWLLT CELF

Strafagansa Celf



Strafagansa Celf y Gwanwyn

Bu bobl o ganolfan Rhoslyn yn cymryd rhan mewn diwrnod o gynhyrchu printiau yn Neuadd y Santes Fair yn y Trallwng ym mis Ebrill 2006. Ar ôl tynnu lluniau, fe'u trosglwyddwyd i bolystyren ac yna cafwyd cyfle i ddewis o liwiau amrywiol i rolïo ar ben y polystyren ac yna eu har-graffu ar bapur. Roedd yn ddiwrnod llwyddiannus iawn, ac roedd pawb wedi mwynhau'n fawr.

Cynhaliwyd dau ddiwrnod o weithdai'n seiliedig ar gelfyddydau gweledol gyda Mencap Llanfyllin ym mis Chwefror, a chafwyd cyfle i fwynhau cynhyrchu printiau a phortreadau.

Strafagansa Celf yr Haf

Eleni, daeth grŵp o 25 oedolion gydag anableddau dysgu o Roslyn, Mencap, Tre'r Llai, Cae Melyn ac Academi Efyrynwy i gymryd rhan yn y prosiect. Trefnwyd gweithdai cerddoriaeth, oedd yn cynnwys "boom whacker" a



delweddau digidol gyda Karin Gomm, dawnsio i gerddoriaeth gyfoes yng nghwmni Helen Young a phaentio a gwneud cerfluniau gydag Ingrid Maugham. Pedair wythnos oedd hyd y prosiect, a daeth i ben gyda digwyddiad i arddangos y gwaith a gynhyrchwyd ar y diwrnod terfynol er mwyn dathlu cyraeddiadau'r prosiect. Diolch hefyd i'r hwyluswyr am eu cymorth gwych: Sally Duckers, Alwyn Wesson-Caberwal, Catherine Lewis a Hayley Mann.



Prosiectau dan Reolaeth

Mae Cyswllt Celf wedi rheoli prosiectau mawr a bach eu maint ar ran mudiadau eraill eleni. Ymysg y rhain mae:

- Dysgu i'r teulu trwy gelfyddydau, drymio, dawns, crefftau, ysgrifennu creadigol a sesiynau blasu celf ar ran Cyngor Sir Powys.
- Gweithdai Cerddoriaeth ar ran Gwasanaeth Ieuenctid Powys ym Machynlleth a Llanfair Caereinion.
- Roedd Prosiect Dawns Cegidfa yn rhedeg ym mis Mawrth a mis Mehefin pan gafodd oedolion a phlant gyfle i gymryd rhan mewn 6 o sesiynau wythnosol i ddarganfod dulliau dawns amrywiol. Bydd y prosiect hwn yn parhau i'r flwyddyn nesaf.
- Diwrnod o weithgareddau celfyddydol amgylcheddol i ysgolion oedd yn dod i Wyl Gregynog gyda'r artist Hilary Roberts yn cynnal gweithdy ar Gelfyddydau Gweledol.
- Prosiectau Celf i Wasanaeth Ieuenctid Powys yn Llanfyllin.



Cerflun o Wyl Gregynog

Celf i Bobl Ifanc. Bu 5 o ddisgyblion o Ysgol Uwchradd Llanfyllin, yn cymryd rhan yn y prosiect hwn, a phob un ohonynt yn perthyn i'r categori pobl ifanc mewn perygl. Bu'r grŵp yn gweithio gyda'i gilydd dros gyfnod o 6 mis a'r man cychwyn oedd cyfarwyddo gyda'r offer fyddai ei angen i greu ffilm fer, megis gweithdai camera i allu trin y camera'n hyderus, a themlo'n gyfforddus o flaen y camera. Aethant i ymweld â Gŵyl Ffilm KINO, lle cafwyd cyfle i wrando ar gyflwyniadau gan weithwyr proffesiynol yn y maes. Crëwyd cwmni cynhyrchu gan y grŵp, dan yr enw 'Last Chance Productions' a dyluniwyd logo ar gyfer eu papur pennawd ac i'w ddefnyddio ar ôl creu'r cynhyrchiad. Cynhaliwyd cyfweiliadau gyda myfyrwyr ac athrawon ynghylch eu sylwadau ar ystod o faterion yn ymwneud â'r ysgol, ac arweiniodd hyn at raglen ddogfen gyda'r enw 'Have We Got Views For You'.

**HAVE WE GOT
VIEWS FOR YOU**




O ystyried nad oedd gan unrhyw aelod o'r grŵp unrhyw brofiad blaenorol o drin offer ffilmio, dangoswyd lefel sgiliau gwych ganddynt. Trwy gydol y prosiect, llwyddwyd i ennill hyder a chafwyd cyfle hefyd i reoli'r prosiect. Roedd eu gwaith hefyd yn cyfrannu at Wobr Dug Caeredin. Arweinyddion y gweithdai oedd Ruth Carter a Tony Wainwright gyda chymorth gan weithiwr ieuenctid Llanfyllin, Dux.

Ariannwyd y prosiect gan y Gronfa Loteri Fawr a chronfa Cyfle Cyngor Sir Powys trwy Cyswllt Celf.

CYSWLLT CELF

Daeth **Syrkas Circus** i Lanfyllin i gynhyrchu prosiect cymunedol i godi ymwybyddiaeth ynghylch materion amgylcheddol trwy sgiliau syrcas a'r celfyddydau perfformio. Ariannwyd y prosiect hwn gan Gyswllt Celf ac Amgylchedd Cymru, a derbyniwyd cefnogaeth hefyd gan Gyngor Sir Powys.

Rhedodd y prosiect rhwng mis Chwefror ac Ebrill, a chynhaliwyd gweithdai bob yn ail benwythnos oedd yn cynnwys sgiliau syrcas, symud, cerddoriaeth, cynllunio a pherfformio. Roedd y prosiect yn agored i bobl o bob oed a bob gallu, a byddai o leiaf 20 o bobl ym mhob gweithdy, dan arweiniad tîm o 3 o unigolion proffesiynol. Yn ystod y gweithdai hyn, roedd y cyfranogwyr yn dysgu symud ar y trapîs, stilts, diabolo, ac acrobatig a llawer mwy. Yn sgil y pum niwrnod o weithdai, cynhaliwyd perfformiad yn ystod wythnos gyntaf Gwyliau'r Pasg. Hefyd aeth y cyfranogwyr o gwmpas yn casglu sbwriel o safle'r Babel Fawr er mwyn gallu defnyddio'r



sbwriel a gasglwyd yn ystod eu perfformiad; hefyd aethant ar orymdaith trwy dref Lanfyllin cyn y perfformiad i bobl cael blas ar eu sgiliau. Roedd y babel lle cynhaliwyd y perfformiad dan ei sang, a'r gynulleidfa wedi mwynhau'r perfformiad yn fawr.



Roedd pawb oedd wedi bod yn rhan o'r prosiect yn teimlo eu bod ar eu hennill o gymryd rhan yn y gweithdai, a gwelwyd hyn yn y ffaith fod pob un o'r cyfranogwyr craidd wedi mynychu pob un gweithdy, hyd yn oed pan oedd troedfedd o eira ar y llawr! Rhoddodd y prosiect gyfle i'r rhai oedd yn rhan ohono i gael hwyl, cynyddu eu hyder, dysgu sgiliau newydd, creu amgylchfyd cymdeithasol, a llwyddodd hefyd i ddod ag aelodau gwahanol o'r gymuned at ei gilydd mewn gweithgaredd creadigol.

Prosiectau Bychan



Gweithdai Drymio – Gŵyl y Gweithdy

Clawr CD o Prosiect Oldford

Gweithdai Llyn Efyrynwy

Cynhaliwyd nifer o brosiectau partneriaeth gydag adran Dysgu Gydol Oes Cyngor Sir Powys – yn eu mysg Bywluniadau a Ffotograffiaeth Portreadu.

Trefnodd Cyswllt Celf ddilyniant i brosiect Canu Cymunedol Oldford ar Ystâd Oldford yn y Trallwng (ardal Cymunedau'n Gyntaf). Bydd y CD a gynhyrchwyd yn cael ei werthu er mwyn codi arian ar gyfer yr uned gofal arbennig i fabanod yn Ysbyty'r Amwythig.

Gwnaethpwyd cyfraniad at Ŵyl y Gweithdy trwy ddarparu gweithdai celfyddydau, canu a drymio ar gyfer teuluoedd.

Hefyd trefnwyd pedwar diwrnod o weithdai i ddisgyblion ysgolion cynradd ac uwchradd yng nghwmni Sally Duckers, ochr yn ochr â'r Symposiwm Cerfluniau yn Llyn Efyrynwy.

Murlun Golau a Lliwiau Llanwddyn

Crëwyd y murlun ar y thema Golau a Lliwiau yn Llanwddyn yn y Gwanwyn, a chyfrannodd yr ysgol a'r gymuned leol at y prosiect. Cyswllt Celf oedd yn gyfrifol am reoli'r prosiect a ariannwyd gan gwmni Dŵr Hafren Trent. Sally Duckers oedd arweinydd y gweithdai a hi oedd yn gyfrifol am ddylunio'r murlun.

Cynhyrchwyd y fframiau sgwâr i ymestyn y defnydd sidan ac i greu bocsys golau gan aelodau o Glwb Ieuenctid Llanwddyn. Trefnwyd gweithdai mewn paentio sidan gyda phlant tair oed yn y Cylch Meithrin, babanod a phlant iau ysgol gynradd Llanwddyn ynghyd â dwy sesiwn blasu gyda'r hwy'r i oedolion. Y clwb ieuenctid oedd yn gyfrifol am greu tri gwaith celf wedi'u hól-oleuo, gan ddefnyddio arwyddeiriau fel man cychwyn, a defnyddio papurau tryloyw, seloffen a laminiadau. Cynhyrchwyd cyfanswm o naw ffrâm unigol ar y murlun, sy'n arddangosfa unedig ar ôl ei oleuo.



Mae'r murlun yn arddangosfa sefydlog yng nghyntedd Canolfan Gymunedol Llanwddyn.

CYSWLLT CELF

Digwyddiadau ac Arddangosfeydd Cymraeg

Trefnwyd nifer o weithdai a digwyddiadau mewn partneriaeth gydag Adran Addysg Dysgu Gydol Oes a Datblygu Cyngor Sir Powys. Ymysg y rhain oedd:

- Ysgrifennu Creadigol gyda Cyril Jones
- Ffotograffiaeth gyda Tryfan Jones
- Cafwyd cyflwyniadau gan Christine Mills a Penri Roberts
- Rydym hefyd wedi gweithio mewn partneriaeth gyda Chymdeithas Adloniant Tanat i ddarparu'r band enwog Cymraeg 'Frisbee' ar gyfer pobl ifanc yr ardal.

Arddangosfeydd

Bu arddangosfa o waith a grëwyd gan blant Ysgol Gungrog ar y thema 'symud' yn Llyfrgell y Trallwng yn ystod mis Mai 2006.



Bu disgyblion Ysgol Uwchradd Llanfyllin yn gyfrifol am lwyfannu dwy arddangosfa o waith blwyddyn 8 ar lawr uchaf y Ganolfan Ieuencid a Chymuned.

Dangoswyd ffilmiau a grëwyd gydag Ysgol Gynradd Machynlleth yn y 'Pink Snowball Awards'. Cyrhaeddodd y plant oedd wedi cymryd rhan mewn limwsîn hir, a chawsant groeso arbennig iawn wrth gyrraedd y Tabernacl ym Machynlleth. Cawsant glod mawr am eu gwaith.

Mae llawer o'r gwaith a gynhyrchwyd o fewn ysgolion fel rhan o'r prosiect i Ddathlu Creadigrwydd Plant wedi cael ei arddangos ym mhob un o'r ysgolion dan sylw i'r rhieni a'r llywodraethwyr cael ei weld.

Aelodau a Gwybodaeth am y Swyddfa

Hyfforddiant

Mae aelodau staff Cyswllt Celf wedi derbyn hyfforddiant mewn codi arian, marchnata a ffotograffiaeth ddigidol. Daeth 12 o aelodau sy'n artistiaid i ddiwrnod ynghylch Ymwybyddiaeth am Sgiliau Sylfaenol, a daeth 10 i ddiwrnod o hyfforddiant a drefnwyd ar y cyd gyda Fforwm Celfyddydau Powys. Mae aelodau unigol wedi derbyn tystysgrifau ar ôl derbyn hyfforddiant mewn cyrsiau amrywiol megis celfyddydau o fewn addysg, pypedwaith a Fforwm Theatr. Dyma adroddiad gan un o'n haelodau:

Ym mis Ionawr, roeddwn yn ddigon ffodus i dderbyn arian hyfforddi gan Gyswllt Celf i fynychu cwrs dwys, wythnos o hyd, ar theori ac arferion Fforwm Theatr - pwnc llosg. Rwyf wedi cael profiad o fod yn gyd-gyfrifol am redeg Cwmni Theatr Pypedau yng nghanolbarth Cymru, ac roeddwn felly yn awyddus iawn i fod yn rhan o'r trafodaethau ar arferion cyfoes ym myd y theatr. A hyn yn enwedig o safbwynt y sawl sy'n arloesol yn y maes trafod ac ymestyn a datblygu eu harferion.

Mae'r Fforwm Theatr, oherwydd ei natur gynhenid, yn ychwanegu rhywfaint o flas yn ogystal ag ychydig o ddadansoddiad beirniadol i'r fei. Mae Augusto Boal (sylfaenydd y fforwm), wedi bod yn corddi dyfroedd theatr draddodiadol i weld beth sy'n llechu yno. Ei ddarganfyddiad oedd bod y theatr yn gyfrwng gwych i agor a bywiogi trafodaeth i bawb, ond mae llawer o arferion theatr yn ddiflas, yn ddiymdrech ac yn ymsongar, a'r farn yw y dylai fod yn fwy rhyngweithiol, a rhoi cyfle i bawb chwarae rhan a bywiogi theatr yn gyffredinol.

Yn ei awgrym ef, mae crefft yr actor yn galluogi'r gynulleidfa i gysylltu â a bod yn rhan o berfformiad yn hytrach na nod yn rhwystr iddynt. Byddai drama'n rhedeg hyd at bwynt argyfwng, pan fyddai'r prif gymeriad yn ildio i bwysau, er iddo geisio peidio â gwneud hynny. Dyna pryd mae'r digrifwr yn dod i'r amlwg, (mae'r digrifwr yn debyg i brif gogydd am wn i. Fo/hi sy'n rhyngweithio gyda'r gynulleidfa, yn perswadio'r gynulleidfa i gymryd rhan, ac yn gwthio pobl i ystyried tu hwnt i'r hyn sy'n amlwg) yn cynnig cyfle i unrhyw un yn y gynulleidfa camu mewn i'r ddrama, rhywbryd cyn iddi fethu a "gwneud yn well". Ar ôl i ychydig o bobl rhoi cynnig arni, bydd y gynulleidfa fel arfer yn cael blas ar y rhyngweithio, a bydd y cawl yn cryfhau fesul eiliad. Mae'r darnau actio yn eistedd yn nŵr y draffodaeth, ac yn cymysgu'r blasau amrywiol sydd wedi dod i'r blas cyffredinol trwy'r cyfranogwyr unigol.

Y syniad yw annog y gynulleidfa i weld natur gymhleth unrhyw sefyllfa fel cyfle i actio mewn dulliau amrywiol, yn hytrach na fel anhrefn. Syniad y ddrama yw peidio â rhoi atebion pendant ond i godi cwestiynau perthnasol i bobl ceisio goresgyn a rhoi cyfle iddynt ddod o hyd i'w hatebion eu hunain.

Roedd y cwrs dan arweiniad Adrian Jackson, Cardboard Citizens – cwmni theatr o'r radd flaenaf i bobl ddigartref. Yn ystod yr wythnos, cafwyd cyfle i ymarfer a thrafod theatr fforwm, a llawer o'r technegau sy'n sail iddi. Cawsom gyfle i gymryd rhan mewn llawer o

CYSWLLT CELF

gemau a gweithgareddau ac iddynt resymau niferus ac amrywiol. Ond yn bwysicach na dim, cawsom gyfle i fod yn rhan o gyflwyniad theatr gan Cardboard Citizens.

Chwaraewyd rhan y Digrifwr gan Adrian Jackson (sylfaenydd Cardboard Citizens) - mae o wedi cael blynyddoedd o brofiad ar dechnegau ar y llinell flaen. Llwyddodd i'n gwthio tu hwnt i'r amlwg, ac annog cyfranogaeth gyflawn, doedd o ddim yn fodlon derbyn profiadau goddefol, ond ei nod oedd cael blas cyflawn o ganlyniad i'r profiad. Yn fy marn i, mae'r wythnos ddwys hon wedi fy nysgu ffordd hollol newydd o goginio. Bydd y perlysiâu'n cymysgu'n dda, ac yn cyflenwi'r cynhwysion sydd gen i'n barod, sef pyped-waith a chwarae. Bron iawn y gallaf flasû'r hyfrydwch coginiol sydd i ddod, a hynny llawn rhyfeddod a diolch.

Joe Munton

Vagabondi Puppets

Bwletinau


Dosbarthwyd 9 bwletin i aelodau yn ystod y flwyddyn aeth heibio. Eu nod hwy oedd rhoi'r wybodaeth ddiweddaraf i aelodau ynghylch hyfforddiant ac arian, ac roeddynt yn cynnwys cyfleoedd swyddi ac erthyglau gan Gyswllt Celf ac ar weithgareddau cyffredinol ym maes y celfyddydau, yn ogystal â hysbysu aelodau am ddigwyddiadau ar ardangosfeydd lleol. Mae nifer o aelodau wedi llwyddo i gael gwaith neu gyfleoedd hyfforddi o ganlyniad i dderbyn gwybodaeth gennym ni. Byddwn yn anfon cymaint o danysgrifiadau â phosibl allan trwy e-bost.

Gwefan

Mae'r wefan wedi cael ei diweddarau, a bydd hyn yn digwydd eto ym mis Hydref. Mae mwy o aelodau wedi anfon manylion ar gyfer y tudalennau ar artistiaid, ac ar hyn o bryd rydym wrthi'n ceisio gwneud y wefan y fwy rhyngweithiol i aelodau a chyfranogwyr ein prosiectau.

Swyddfa

Derbyniwyd Grant Cyfalaf eleni gan Gyngor Celfyddydau Cymru, sydd wedi talu am gyfrifiaduron newydd (mawr eu hangen) i'r swyddfa. Rydym hefyd wedi prynu cyfrifiadur Apple Mac, meddalwedd golygu Final Cut Pro a camera fideo Canon XM2. Gall aelodau ddefnyddio'r offer hyn yn sgil derbyn hyfforddiant, ac mae nifer o brosiectau ffilm wedi'u cwblhau'n barod.



Ystadegau

Wrth lunio ein hadroddiad i Gyngor Celfyddydau Cymru (blwyddyn ariannol 05-06) nodwyd y ffigurau canlynol:

Nifer y llefydd i gyfranogwyr mewn gweithdai	5530
Nifer y gweithdai	448

Pobl

Aelodau'r Bwrdd

Jeannie Wells

Hilary Roberts

Ingrid Maugham

Cordelia Weedon

Helen Rees

Kathy Edmonds

Sheela Hughes

Gary Northeast

Tony Skeggs

Cadeirydd

Is-gadeirydd a Cynrychiolydd Cymuned Hirnant ac Addysg

Cynrychiolydd Gwahaniaethau Dysgu

Cynrychiolydd Artistiaid

Cynrychiolydd Cyngor Tref Llanfyllin

Cynrychiolydd Addysg Uwch

Cynrychiolydd Cyngor Sir Powys

Cynrychiolydd Artistiaid

Cynrychiolydd Cymuned Llanfyllin

Staff

Karen Ramsay

Siân Walters

Nerys Evans

Cyfarwyddwyr Celfyddydau

Cyfarwyddwr Prosiectau

Swyddog Gweinyddol

CYSWLLT CELF

Artistiaid sy'n Aelodau sydd wedi gweithio ar y prosiectau

Marja Bonada	Cerflunydd	Dathlu Creadigrwydd Plant
Ruth Carter	Cynhyrchydd Ffilmiau	Celf i Bobl Ifanc
Elinor Davies	Artist Gweledol	Dathlu Creadigrwydd Plant
Sally Duckers	Artist Gweledol	Dathlu Creadigrwydd Plant, Murlun Llanwddyn, Strafagansa Celf, Symposiwm Cerfluniau
Veronica Gibson	Artist Tirluniau	Dathlu Creadigrwydd Plant
Karin Gomm	Cerddor/Hwylusydd	Strafagansa Celf
Laura Hughes	Artist Gweledol	Dathlu Creadigrwydd Plant
Stan Jankowski	Cerflunydd	Dathlu Creadigrwydd Plant
Caroline Lowe	Cerflunydd	Dathlu Creadigrwydd Plant
Ingrid Maugham	Artist Gweledol	Dathlu Creadigrwydd Plant, Strafagansa Celf-
Tommy Mills	Cerddor	Prosiect Cerdd Ieuenticid Powys
Gary Northeast	Cerddor	Prosiect Hwiangerddi Cymraeg
Hilary Roberts	Artist Gweledol	Dathlu Creadigrwydd Plant
Tony Skeggs	Cerddor	Prosiect Cerdd Ieuenticid Powys, Ystâd Oldford, Prosiect Hwiangerddi Cymraeg
Laurance Sharp	Technegydd	Prosiect Cerdd Ieuenticid Powys
Tony Wainwright	Cynhyrchydd Ffilmiau	Celf i Bobl Ifanc
Helen Young	Dawns	Strafagansa Celf, Prosiect Dawns Cegidfa
Vagabondi Puppets	Perfformwyr	Dathlu Creadigrwydd Plant

Hwyluswyr ac Artistiaid heb fod yn Aelodau o Brosiectau Partneriaeth

Dux	Gwasanaeth Ieuenticid	Celf i Bobl Ifanc
Janet Evans	Dawns	Prosiect Dawns Cegidfa
Arfon Gwilym	Cerddor	Prosiect Hwiangerddi Cymraeg
Cassandra Hatjiandoniou	Dawns	Prosiect Dawns Cegidfa
Catherine Lewis	Hwylusydd	Strafagansa Celf
Hayley Mann	Hwylusydd	Strafagansa Celf
Toby McCallum	Cerddor	Prosiect Cerdd Ieuenticid Powys
Pat Smith	Dawns	Prosiect Dawns Cegidfa
Jock Tildesley	Cerddor	Prosiect Cerdd Ieuenticid Powys
Alwyn Wesson-Caberwal	Hwylusydd	Strafagansa Celf

CYFARFOD CYFFREDINOL BLYNYDDOL

Arianwyr a Phartneriaid



Cyngor Celfyddydau Cymru

Cyngor Sir Powys



Severn Trent Water



Y Loteri Genedlaethol



The Workhouse Festival



TRAC

Mencap



Clwyd Alyn Cymdeithas Tai

SyrCAS-Circus

Fforwm Gymunedol Llanfyllin (Quick Win)



Carad

Celf o Gwmpas

celf o gwmpas



arts round about

Access All Areas



CYSWLLT CELF

Diolch i'r canlynol am y ffotograffau yn yr adroddiad hwn:

Cyswllt Celf

Ingrid Maugham

Hilary Roberts

Catherine Morris

Stan Jankowski

Arfon Gwilym



Llawr Uchaf
Canolfan Ieuencid a
Chymunedol
Llanfyllin
Powys
SY22 5BB

Ffon: 01691 648 929

Ffacs: 01691 648 929

E-bost: karen@artsconnection.org.uk

nerys@artsconnection.org.uk

sian@artsconnection.org.uk

www.artsconnection.org.uk

www.cyswlltcelf.org.uk